

MARRËVESHJE

PER SHITJEN DHE BLERJEN E 49% TË KAPITALIT TË REGISTRUAR TË SHOQËRISË “ARB EXPRESS” SHPK

Sot në Tiranë, më datë 12/03/2021, kjo Marrëveshje u nënshkrua:

NGA DHE NDËRMJET

- Rifat Haklaj**, i biri i i Rrustem dhe Mire, shtetas shqiptar, i lindur me 12/03/1972 ne Kerrnajë , Tropojë, Shqipëri ,banues ne Kerrnajë , Tropojë , identifikuar nga Letërnjoftimi i tij me numer 036483610 dhe Nr. Personal H20312206A ,madhor dhe me zotësi të plotë juridike për të vepruar, ortakë i vetëm i **“ARB EXPRESS” SHPK** me NUIS M11425502O, krijuar më 25/02/2021, me adresë në Durrës Xhafzotaj, me Kapital të nënshkruar 5 000 000 lekë, (në vijim “**shitësi**”),

DHE

- Artur Haklaj**, i biri i i Rrustem dhe Mire, shtetas shqiptar, i lindur me 09/02/1981 ne Kernajë , Tropojë, Shqipëri ,banues ne Kerrnajë , Tropojë , identifikuar nga Letërnjoftimi i tij me numer 035755508 dhe Nr. Personal I10209186J, madhor me zotësi të plotë juridike për të vepruar (në vijim “**blerësi**”),

MEQENËSE:

- Më **18/02/2021** është themeluar rregullisht shoqëria **“ARB EXPRESS” SHPK** , një shoqëri me përgjegjësi të kufizuar e së drejtës shqiptare, me seli në Xhafzotaj , Durrës Shqipëri, me NUIS M11425502O, sipas ekstraktit elektronik të regjistrit tregtar marrë nga faqja zyrtare e web të QKB bashkëngjitur kësaj Marrëveshjeje, (në vijim, “**Shoqëria**”).
- Kapitali i regjistruar i shoqërisë është **5 000 000 lekë**, i përbërë nga 1 (një) kuotë në zotërim të:

- **Rifat Haklaj**, i biri i i Rrustem dhe Mire, shtetas shqiptar, i lindur me 12/03/1972 ne Kerrnajë, Tropojë, Shqipëri, banues ne Kerrnajë, Tropojë, identifikuar nga Leternjoftimi i tij me numer 036483610 dhe Nr. Personal H20312206A, madhor dhe me zotësi të plotë juridike për të vepruar.

- C)** Shitësi ka shprehur qëllimin e tij për shitjen e 49 % të Kuotës që zotëron në kapitalin e Shoqërisë dhe transferimin e të drejtave të pronësisë në përputhje me afatet dhe kushtet e kësaj Marrëveshje.
- D)** Blerësi ka shprehur qëllimin e tij për blerjen e 49 % të Kuotës të Shitësit në kapitalin e Shoqërisë dhe përfitimin e të drejtave të pronësisë në përputhje me afatet dhe kushtet e kësaj Marrëveshje.
- E)** Shitësi dhe Blerësi vendosin në vijim, në mënyrë të detajuar afatet dhe kushtet e shitblerjes së Kuotave në kapitalin e Shoqërisë.

ATËHERË, në vijim të Parashtrimeve, të cilat përbëjnë një pjesë integrale, thelbësore dhe detyruese të kësaj marrëveshje dhe mbi bazën e premtimeve, angazhimeve, deklarimeve dhe garancive, detyrimeve dhe kushteve respektive të kësaj marrëveshje, Palët premtojnë dhe bien dakord për sa vijon.

NENI I
PARASHTRIMET, ANEKSET DHE PERKUFIZIMET

1.1 Parashtrimet dhe Anekset

Parashtrimet e lartpërmendura dhe Anekset e listuara më poshtë përbëjnë pjesë integrale dhe thelbësore të kësaj Marrëveshje:

- (i) **Aneksi A:** Kopje e kartës së identitetit të blerësit Artur Haklaj;
- (ii) **Aneksi B:** Kopje e kartës së identitetit të shitësit Rifat Haklaj ;
- (iii) **Aneksi C:** Ekstrakti elektronik i regjistrat tregtar të Shoqërisë “ARB EXPRESS” SHPK marrë nga faqja zyrtare web e QKB.

NENI II
SHITJA DHE BLERJA E KUOTAVE

2.1 Transferimi i Kuotave



Në përputhje dhe në zbatim të afateve dhe kushteve të kësaj Marrëveshje, Shitësi merr përsipër ti shesi Blerësit, i cili merr përsipër të blejë nga Shitësi dhe të bëhet zotërues i kuotës që përfaqëson 49 % (dyzetenëntë pér qind) të kapitalit të Shoqërisë.

Për rrjedhojë, nënshkrimi i kësaj Marrëveshje shënon kalimin e 49 % të pronësisë nga shitësi te blerësi dhe mbas kësaj Kapitali i shoqërisë do të përbëhet nga dy kuota , të cilat do të zotërohen nga ortakët:

1. **Rifat Haklaj**, zotërues i 1 (një) kuote prej 51 % të kapitalit të shoqërisë.
2. **Artur Haklaj**, zotërues i 1 (një) kuote prej 49 % të kapitalit të shoqërisë.

Kuota blihet nga Blerësi e lirë dhe pa asnjë Peng të regjistruar, për rrjedhojë nga Data e Marrëveshjes, Blerësit i jepen të gjitha të drejtat që lidhen me Kuotën, duke përfshirë por pa u kufizuar tek, e drejta e votës dhe çdo e drejtë tjetër mbi dividendin e pagueshmë ose aktualisht e paguar pas Datës së Marrëveshjes, nëse ka.

Kuota e Shoqërisë transferohet me të gjithë asetat përkatëse ose ato që lidhen me to që zotërohen ose përdoren nga Shoqëria në lidhje me aktivitetin e saj tregtar, duke përfshirë por pa u kufizuar në marrëveshje mirëbesimi, kontrata në vazhdimësi, pajisje teknike, servera, software dhe hardware etj. si edhe çdo e drejtë e arrirë përpëra ose pas Datës së Marrëveshjes.

2.2 Çmimi i Blerjes dhe afatet e pagesës

Çmimi i blerjes që Blerësi i detyrohet Shitësit pér blerjen e 49 % të Kuotës është rënë dakord dhe miratuar nga Palët në shumën e përgjithshme prej **2 450 000 LEK** (Dymilion e katërqind e pesëdhjet mijë Lekë). (në vijim “**Çmimi i Blerjes**”).

Çmimi i Blerjes nuk do të mund të jetë objekt i asnjë ndryshimi midis Palëve.

Me nënshkrimin e kësaj Marrëveshje, Blerësi bie dakord t'i shlyej Shitësit Çmimin e Blerjes të rënë dakord si më sipër , me 2-3 këste në një afat brenda datës 31/12/2021.

NENI III

MBYLLJA

3.1 Data e Mbylljes

Pavarësisht nga neni II, pika 2.2, transferimi i Kuotës nga shitësi te blerësi, sipas kësaj Marrëveshje, do të kryhet në Datën e Marrëveshjes, pra sot më 12 /03/2021.

3.2 Veprimet e mbylljes dhe dorëzimet

Në datën e Mbylljes, Palët do të kryejnë të gjithë veprimet e mëposhtme, dorëzimet, dhe formalitetet, përveç çdo veprimi tjetër qe kërkohet të kryhet në Datën e Mbylljes sipas kësaj Marrëveshje.

3.2.1 Veprimet e Shitësit

Shitësi bie dakort dhe zotohet se do të:

- (i) marri pjesë dhe votoj në mbledhjen e asamblesë së Shoqërisë për miratimin e transferimit të Kuotave të kësaj Marrëveshje;
- (ii) dorëzoj te Blerësi të gjithë dokumentacionin përkatës të Shoqërisë duke përfshirë por pa u kufizuar në dokumentacionin ligjor, kontabël, tatimor, finansiar, bankar, administrativ, korrespondencat e ndryshme, si dhe çdo dokument tjetër që i përket dhe/ose ka lidhje në mënyrë të drejtpërdrejtë ose të tërthortë me Shoqërinë, në format të shtypur, elektronik ose tjetër, origjinal apo kopje, të ndodhur në ambientet e Shoqërisë apo jashtë saj.

3.2.2 Veprimet e Blerësit

Blerësi bie dakord dhe merr përsipër të paguajë Çmimin e Blerjes Shitësit brenda afatit të parashikuar në këtë Marrëveshje.

3.3 Një transaksion i vetëm

Të gjitha veprimet dhe transaksionet që do të kryhen në datën e Mbylljes siç parashikohen në këtë Marrëveshje do të konsiderohen si një transaksion i vetëm në mënyrë që, sipas zgjedhjes së Palës e cila është e interesuar të kryejë një veprim apo transaksion, asnjë veprim apo transaksion nuk do të konsiderohet të jetë kryer derisa të gjithë veprimet dhe transaksionet që do të kryen deri në datën e Mbylljes siç parashikohen në këtë Marrëveshje do të jenë kryer siç parashikohen në Marrëveshje.

3.4 Dorëzimi i Dokumenteve

Brenda 2 (dy) ditëve pune nga data e Mbylljes, Shitësi do ti dorëzoj Blerësit të gjithë dokumentet e Shoqërisë siç është parashikuar në këtë Marrëveshje.

NENI IV **DEKLARIMET DHE GARANCITË E SHITËSIT**

4.1 Deklarimet dhe garancitë e Shitësit

Shitësit japid në favor të Blerësit deklarimet dhe garancitë si vijon të cilat janë dhe do të janë të vërteta, të drejta dhe korrekte duke filluar nga data e Mbylljes, duke përjashtuar ato deklarime dhe garanci të cilat në mënyrë të shprehur i referohen një date të specifikuar dhe duhet të konsiderohen të vërteta, të drejta dhe korrekte ekskluzivisht për atë datë specifike.


Shitësit njohin dhe bien dakord se:

- (A) Shitësit japid vetëm deklarimet dhe garancitë e parashikuara në këtë nen të Marrëveshjes dhe asgjë tjetër; dhe
- (B) Deklarimet dhe garancitë e parashikuara ne këtë nen të Marrëveshjes zëvendësojnë çdo lloj garancie apo zgjidhje tjetër që parashikohet nga legjislacioni Shqiptar në rastin e marrëveshjeve të shit-blerjeve dhe përbën të vetmin burim përgjegjësie të Shitësit për detyrimet që ai ka marrë përsipër sipas kësaj Marrëveshje kundrejt Blerësit; për rrjedhojë Blerësi heq dorë nga çdo veprim apo zgjidhje që mund t'i jap të drejtë të kërkojë apo ushtrojë pas datës së Mbylljes në lidhje me ato mospërm bushje, përfshirë dhe veprimin e zgjidhjes së kësaj Marrëveshje.

4.2 Deklarimet dhe garancitë në lidhje me Shitësin

4.2.1 Aftësia e Shitësit

Shitësi ka fuqi dhe aftësi të plotë ligjore veprimi të nënshkruaj këtë Marrëveshje dhe të zbatoj detyrimet e saj edhe për llogari të Shoqërisë deri në masën e përcaktuar në këtë Marrëveshje.



Shitësi ka të gjitha të drejtat dhe autoritetin e duhur të lidhi këtë Marrëveshje dhe të përbushi detyrimet qe lindin prej saj si dhe kryejnë transaksionet që përfshihen në këtë Marrëveshje.

Të gjitha veprimet dhe formalitet që i kerkohen Shitësit në mënyrë që të nënshkruaj këtë Marrëveshje dhe përbushin detyrimet e saj janë kryer menjëherë dhe rregullisht. Kjo Marrëveshje nënshkruhet nga Shitësi dhe do të jetë e detyrueshme kundrejt Shitësit në përputhje me afatet dhe detyrimet që ajo përban.

4.2.2 *Asnjë konflikt*

Nënshkrimi dhe përbushja e kësaj Marrëveshje nuk përbën shkelje të statutit të Shoqërisë apo ndonjë detyrimi kontraktor të tyre ose ndaj ndonjë vendimi, apo ekzekutimi dhe urdhra të lëshuara nga ndonjë autoritet kundër Shitësit që mund të ndikojë në vlefshmërinë, zbatueshmerinë dhe përbushjen e kësaj Marrëveshje.

4.2.3 *Miratimi*

Nënshkrimi dhe zbatimi nga Shitësi i kësaj Marrëveshje nuk kërkon dhe nuk do të kérkojë që Shitësi të marri ndonjë aprovim, miratim, autorizim, licencë, leje, urdhër, apo të kryejnë ndonjë depozitim, ose njoftim kundrejt ndonjë autoriteti.


4.2.4 *Mungesa e ndërmjetësuesve*

Shitësit nuk kanë lidhur asnjë marrëveshje dhe nuk kanë ndërmarrë asnjë veprim e cila mund të ngre pretendime të palëve të treta kundrejt Blerësit për pagimin e komisioneve apo tarifave të ndërmjetësimit ose pagesa në lidhje me nënshkrimin dhe përfundimin e kësaj Marrëveshje.

4.3 Deklarimet dhe garancitë në lidhje me Shoqërinë

4.3.1 *Themelimi dhe autoriteti i Shoqërisë*

Shoqëria është një shoqëri shqiptare e themeluar rregullisht dhe që vepron sipas ligjeve të Shqipërisë dhe nuk është objekt i ndonjë procedure falimenti apo likuidimi.



4.3.2 Librat dhe shënimet e Shoqërisë

Librat dhe shënimet e Shoqërisë janë të vërteta dhe të plota në të gjithë aspektet materiale të tyre në përputhje me Ligjin e Zbatueshëm.

4.3.3 Statuti i Shoqërisë

Statuti në fuqi i Shoqërisë është përpiluar në përputhje me Ligjin e Zbatueshëm.

4.3.4 Pasqyrat financiare dhe mungesa e përgjegjësive të Shoqërisë

Pasqyrat Financiare janë përgatitur në përputhje me principet e kontabilitet dhe Ligjin e Zbatueshëm dhe janë të vërteta, korakte dhe të plota dhe paraqesin në mënyrë të drejtë dhe saktë gjendjen financiare të Shoqërisë në datën e kësaj Marrëveshje.

Në Datën e Mbylljes, Shoqëria nuk do të ketë asnjë detyrim të lënë pezull, me përjashtim të:

(A) Detyrimeve të pasqyruara në Pasqyrat Financiare; dhe

(B) Detyrimet gjatë rrjedhës normale të biznesit deri në datën e Mbylljes.

4.3.5 Çështjet gjyqësore

Shoqëria nuk është e përfshirë në asnjë proces gjyqësor, arbitrazhi me karakter penal.

NENI V

DEKLARIME DHE GARANCI TË BLERËSIT

5.1 Deklarime dhe garanci të Blerësit

Blerësi jep në favor të Shitësit deklarimet dhe garancitë e mëposhtme, të cilat janë dhe do të janë të vërteta, pra Blerësi deklaron se :

- disponon te gjithe informacionin e duhur ne lidhje me aktivitetin e Shoqerise menyren e organizimit dhe funksionimit te saj, marredhenjet me te tretet dhe çdo informacion tjeter i nevojshem qe kushtezon permbushjen e objektit te kesaj kontrate ,



- deklaron se nuk ka asnje pretendim as tani dhe as ne te ardhmen ndaj Shitesit.

NENI VI

TË NDRYSHME

6.1 Marrëveshja

Kjo Marrëveshje përcakton të gjithë marrëveshjen dhe mirëkuptimin mes Palëve në lidhje me objektin e saj dhe zëvendëson çdo marrëveshje apo deklaratë të mëparshme.

6.2 Ndryshimet

Asnjë ndryshim i kësaj Marrëveshje nuk do të konsiderohet i vlefshëm, përveç kur është rënë dakord në mënyrë të shkruar nga Palët.

6.3 Heqja dorë

Çdo tolerancë ose heqje dorë nga çdo Palë të një shkelje të një dispozite të kësaj Marrëveshjeje, nuk do të konsiderohet heqje dorë e të drejtave që rrjedhin nga dispozita e shkelur ose e së drejtës për të kërkuar përbushjen e të gjitha kushteve dhe afateve të parashikuara këtu.

6.5 Konfidencialiteti

Çdo e dhënë, lajm, dokument apo informacion që lidhet me Marrëveshjen, transaksi i parashikuar këtu, do të konsiderohen si rreptësish private dhe konfidenciale dhe nuk do t'ju bëhen të ditur palëve të treta (përjashtuar këtu QKB-ën ose ndonjë autoritet tjeter shtetëror), pa marrë miratimin paraprak të shkruar të Palës tjeter, e cila do të bie dakord për çdo komunikim ndaj palëve të treta lidhur me transaksionin parashikuar nga Marrëveshja, pa cënuar komunikimet e detyrueshme të parashikuara nga Ligji i Zbatueshëm.

6.6 Transferimi i Marrëveshjes

Kjo Marrëveshje dhe të drejtat që lindin prej saj, nuk mund t'i transferohen ndonjë personi ose pale të tretë nga asnjëra Palë, pa marrë paraprakisht pëlqimin e shkruar të Palës tjeter.

6.7 Njoftimet

Çdo njoftim apo komunikim që do të jepet në zbatim të kësaj Marrëveshje, do të bëhet me shkrim në gjuhen shqipe dhe dorëzohet me poste të regjistruar me kthim përgjigje duke e dërguar paraprakisht me e-mail në adresën të cilën Pala i ka komunikuar Palës tjetër në përputhje me këtë nen.

6.9 Ligji i Zbatueshëm

Kjo Marrëveshje do të rregullohet dhe interpretohet në bazë të Ligjit të Zbatueshëm.

6.10 Gjuha

Kjo Marrëveshje është përpiluar në gjuhën shqipe dhe nënshkruar nga Palët në 4 (katër) ekzemplarë origjinalë.

6.11 Zgjidhja e konflikteve

Të gjitha konfliktet që lindin nga apo në përputhje me këtë Marrëveshje do të zgjidhen fillimisht drejtpërdrejtë me mirëkuptim mes Palëve dhe në rast se Palët nuk bien dakord brenda 30 (tridhjetë) ditëve, konfliktet do të zgjidhen nga Gjykata e Rrethit Gjyqësor Tiranë, Shqipëri.

SHUTËSI

Rifat Haklaj

Eliot Haber
JH



BLERESİ

Artur Haklaj

ARTUR HAKLA 